

ხელშეკრულება სახელმწიფო შესყიდვების შესახებ N325
(გამარტივებული შესყიდვა „სახელმწიფო შესყიდვების შესახებ“ საქართველოს კანონის
10¹ მუხლის მე-3 პუნქტის „დ“ ქვეპუნქტის თანახმად,
საქართველოს მთავრობის 2015 წლის 7 ივლისის განკარგულება №1436)

წინამდებარე ხელშეკრულება დაიდო 2015 წლის 9 ნოემბერს ქ. თბილისში.

ერთი მხრივ, შ.პ.ს. „მთის კურორტების განვითარების კომპანია“, შემდგომში „შემსყიდველი“, წარმოდგენილი დირექტორის მოვალეობის შემსრულებლის ირაკლი ჟღენტის სახით და მეორე მხრივ, შ.პ.ს. „ბილდ ინდუსტრი“, შემდგომში „მიმწოდებელი“, წარმოდგენილი დირექტორის გიორგი გოგოტიშვილის სახით, ვდებთ ხელშეკრულებას მოქმედი კანონმდებლობის მიხედვით, შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1. „შემსყიდველი“ შეიძენს ხოლო „მიმწოდებელი“ გაუწევს დაბა ბაკურიანში, კოხტას მთაზე მიმდინარე ახალი საბაგიროების მშენებლობისათვის საჭირო, სხვადასხვა სახის მაღალი გამავლობის სპეციალიზირებული ტექნიკის და მისი ოპერატორების დაქირავების მომსახურებას, დანართი №1-ს შესაბამისად.
- 2.2. CPV-45500000
- 2.3. დაფინანსების წყარო: სახელმწიფო ბიუჯეტი.

3. ხელშეკრულების ღირებულება

- 3.1. ხელშეკრულების სავარაუდო ღირებულება შეადგენს 57 500.00 (ორმოცდაჩვიდმეტი ათას ხუთასი ლარი და ნული თეთრი) ლარი.
- 3.2. ერთეულის ღირებულება განსაზღვრულია ხელშეკრულების დანართი №1-ით.
- 3.3. ხელშეკრულების ღირებულება მოიცავს მიმწოდებლის ყველა ხარჯს (ტენიკის მობილიზება/დემობილიზება, საჭიროების შემთხვევაში გაცილება, საწვავი, ოპერატორის საცხოვრებელი, კვება, ხელფასი და სხვა) და საქართველოს კანონმდებლობით დადგენილ გადასახადებს, დაკავშირებულს მომსახურების გაწევასთან.

4. მხარეთა უფლება-მოვალეობები

- 4.1. მიმწოდებელი ვალდებულია:
 - 4.1.1. უზრუნველყოს დაბა ბაკურიანში კოხტას მთაზე მიმდინარე ახალი საბაგიროების მშენებლობისათვის საჭირო, სხვადასხვა სახის მაღალი გამავლობის სპეციალიზირებული ტექნიკის და მისი ოპერატორების დაქირავების მომსახურება, დანართი №1-ს შესაბამისად.
 - 4.1.2. დანართი №1-ში მითითებული ტექნიკის და მისი ოპერატორების დაქირავების მომსახურება უნდა დაიწყოს და დასრულდეს ამავე დანართით განსაზღვრულ ვადებში.
 - 4.1.3. მიმწოდებელი ვალდებულია დანართი №1-ით შემოთავაზებული სპეციალიზირებული ტექნიკა ამყოფოს გამართული/მუშა მდგომარეობაში. იმ შემთხვევაში, თუ ტექნიკა მუშაობას

- შეწყვეტს/გაფუჭდება, მიმწოდებელი ვალდებულია დაუყოვნებლივ აღმოფხვრას პრობლემა ან 2 (ორი) კალენდარულ დღეში მოახდინოს გაფუჭებული ტექნიკის ჩანაცვლება სხვა, მუშა მდგომარეობაში მყოფი, იგივე მაჩვენებლების ტექნიკით.
- 4.1.4. მიმწოდებელი ვალდებულია მომსახურების გაწევა მოახდინოს კვალიფიციური ოპერატორების მეშვეობით.
- 4.1.5. მიმწოდებელი ვალდებულია საკუთარი ხარჯებით მოახდინოს აღნიშნული ტექნიკის მობილიზაცია, დემობილიზაცია.
- 4.1.6. მიმწოდებელი ვალდებულია დაიცვას არაუმეტეს 8 (რვა) საათიანი სამუშაო დღის ხანგრძლივობა.
- 4.2. მიმწოდებელი უფლებამოსილია:
- 4.2.1. მოსთხოვოს შემსყიდველს ხელშეკრულებით ნაკისრი ვალდებულებების შესრულება.
- 4.3. შემსყიდველი ვალდებულია:
- 4.3.1. განახორციელოს წინამდებარე ხელშეკრულებით გათვალისწინებული მოთხოვნების დაცვით გაწეული მომსახურების ღირებულების ანაზღაურება.
- 4.4. შემსყიდველი უფლებამოსილია:
- 4.4.1. მიმწოდებლისგან მოითხოვოს მომსახურების გაწევა ხელშეკრულებით გათვალისწინებულ დროსა და ადგილას;
- 4.4.2. შეამოწმოს მოსახურების გაწევის ხარისხი.
- 4.4.3. მონიტორინგის შედეგად მიმწოდებლის მიერ ხელშეკრულებით გათვალისწინებული პირობების დარღვევის აღმოჩენის შემთხვევაში მისცეს მას მითითება ვალდებულებების დარღვევის გამოსწორების შესახებ ან შეწყვიტოს (არ განახორციელოს) მიმწოდებლის დაფინანსება.

5. ხარისხი

- 5.1. მიმწოდებელი პასუხს აგებს გაწეული მომსახურების ხარისხზე, ხოლო შემსყიდველი უფლებამოსილია ჩაატაროს გაწეული მომსახურების ხარისხის შემოწმება.

6. მომსახურების გაწევის ადგილი და ვადა

- 6.1. მომსახურების გაწევის ადგილი: დაბა ბაკურიანი, კოხტას მთა.
- 6.2. ხელშეკრულებით გათვალისწინებული მომსახურების გაწევა უნდა მოხდეს ხელშეკრულების დანართი №1-ში მითითებული ვადების და მოთხოვნის შესაბამისად.

7. მიღება-ჩაბარების წესი

- 7.1. წინამდებარე ხელშეკრულებით გათვალისწინებული მომსახურების გაწევის დადასტურების მიზნით, შემსყიდველსა და მიმწოდებელს შორის ფორმდება მიღება-ჩაბარების აქტი.
- 7.2. მომსახურება ჩაითვლება გაწეულად მხოლოდ მხარეებს შორის მიღება-ჩაბარების აქტის გაფორმების შემდეგ.
- 7.3. მიღება-ჩაბარების აქტი დასაშვებია გაფორმდეს და მხარეებს შორის გაიცვალოს ელექტრონული ფოსტის საშუალებით.
- 7.4. მიღება-ჩაბარების აქტი გაფორმდება მიმდინარე წლის 18 ნოემბერს და 2 დეკემბერს, ფაქტიურად გაწეული მომსახურების შესაბამისად.
- 7.5. შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება ინფრასტრუქტურის სამსახურის უფროსს დავით ჯაოშვილს.
- 7.6. მიმწოდებელი ვალდებულია შემსყიდველის მხრიდან მოთხოვნილი მომსახურების გაწევის დადასტურების და ანაზღაურების მიღების მიზნით შემსყიდველს წარმოუდგინოს შესაბამისი ფინანსური დოკუმენტაცია. ანგარიშსწორების სავალდებულო წინაპირობა მიღება-ჩაბარების აქტთან ერთად არის ანგარიშ-ფაქტურა (არსებობის შემთხვევაში).

8. ხელშეკრულებით ნაკისრი ვალდებულებების შესრულების ინსპექტირება

- 8.1. ხელშეკრულებით ნაკისრი ვალდებულებების შესრულების ინსპექტირებას განახორციელებს ინფრასტრუქტურული პროექტების მენეჯერი ბესიკ ორჯონიკიძე.

- 8.2. ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე გაწეული მომსახურების ხარისხის კონტროლს.
- 8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. ანგარიშსწორების წესი

- 9.1. ხელშეკრულების ღირებულებიდან 15 000.00 (თხუთმეტი ათასი ლარი და 00 თეთრი) ლარი გაიცემა ავანსის სახით საქართველოს მთავრობის 2015 წლის 7 ივლისის განკარგულება №1436-ის მე-4 მუხლის შესაბამისად. ავანსი გაიცემა ხელშეკრულების გაფორმებიდან არაუგვიანეს 1 (ერთი) სამუშაო დღეში.
- 9.2. ავანსად გაცემული თანხიდან 9 000.00 (ცხრა ათასი ლარი და 00 თეთრი) ლარი გამოიქვითება პირველი შესრულებიდან, ხოლო 6 000.00 (ექვსი ათასი ლარი და 00 თეთრი) ბოლო შესრულებიდან.
- 9.3. გაწეული მომსახურების ანაზღაურება განხორციელდება, ეტაპობრივად, მიმდინარე წლის 18 ნოემბერს და 2 დეკემბერს, ფაქტიურად გაწეული მომსახურების შესაბამისად წინამდებარე ხელშეკრულების 7.6 პუნქტით გათვალისწინებული დოკუმენტაციის წარმოდგენიდან 5 (ხუთი) სამუშაო დღის განმავლობაში.
- 9.4. ანგარიშსწორების ვალუტა: ლარი.
- 9.5. ანგარიშსწორების ფორმა: უნაღდო.

10. პასუხისმგებლობა ხელშეკრულების პირობების დარღვევისათვის

- 10.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის, არაჯეროვანი შესრულების ან/და დაგვიანებით შესრულებისათვის ხელშეკრულებით და საქართველოს კანონმდებლობით დადგენილი წესით;
- 10.2. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობის, არაჯეროვანი შესრულების ან/და დაგვიანებით შესრულების შემთხვევაში გამოიყენება სანქციები, რომელთა ფორმა, ოდენობა, ამოქმედების პირობები განსაზღვრულია წინამდებარე ხელშეკრულებით.
- 10.3. შემსყიდველის მიერ ხელშეკრულების 9.1-9.3 პუნქტით ნაკისრი ვალდებულებების შეუსრულებლობის ან/და არაჯეროვნად შესრულების შემთხვევაში დაეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,5%-ის ოდენობით.
- 10.4. მიმწოდებლის მიერ ნაკისრი ვალდებულებების შეუსრულებლობის ან/და არაჯეროვნად შესრულების შემთხვევაში შემსყიდველი უფლებამოსილია დააკისროს მიმწოდებელს პირგასამტეხლო ხელშეკრულების ღირებულების 2%-ის ოდენობით.
- 10.5. არაჯეროვნად შესრულებას წარმოადგენს უხარისხო მომსახურების გაწევა. ამასთან, არაჯეროვნად გაწეულად მიიჩნევა ნებისმიერი ვალდებულების შეუსრულებლობა, რომელიც ნაკისრი აქვს მიმწოდებელს წინამდებარე ხელშეკრულებით, გარდა 10.5. პუნქტით განსაზღვრული შემთხვევისა.
- 10.6. მიმწოდებლის მიერ დაგვიანებით შესრულებას წარმოადგენს მომსახურების წინამდებარე ხელშეკრულებით გათვალისწინებული მიწოდების ვადის დარღვევა, რისთვისაც შემსყიდველი უფლებამოსილია დააკისროს მიმწოდებელს პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,5%-ის ოდენობით.
- 10.7. იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 (ხუთი) პროცენტს, შემსყიდველს უფლება აქვს შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება, ასევე მოსთხოვოს მიმწოდებელს ავანსად გაცემული თანხის დაბრუნება ფაქტობრივად გაწეული მომსახურების ღირებულების გამოკლებით.
- 10.8. მიმწოდებლის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 10.9. პირგასამტეხლოს გადახდა არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან.

11. ფორს მაჟორი

- 11.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.
- 11.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;
- 11.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. სადაო საკითხების გადაწყვეტა

- 12.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულებაში ცვლილების შეტანა და ხელშეკრულების შეწყვეტა

- 13.1. ხელშეკრულებაში დამატებების და/ან ცვლილებების შეტანა შესაძლებელია მხოლოდ წერილობითი ფორმით, მხარეთა უფლებამოსილი წარმომადგენლების ხელმოწერით და წარმოადგენს ამ ხელშეკრულების განუყოფელ ნაწილს.
- 13.2. ხელშეკრულების მოქმედება შეიძლება შეწყდეს მხარეთა ინიციატივით, ურთიერთშეთანხმების საფუძველზე.
- 13.3. ხელშეკრულება შედგენილია ქართულ ენაზე, სამი თანაბარი იურიდიული ძალის მქონე ეგზემპლარად (ერთი ეგზემპლარი მიმწოდებელს, ორი ეგზემპლარი შემსყიდველს).

14. ხელშეკრულების მოქმედების ვადა

- 14.1. ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2016 წლის 31 იანვრის ჩათვლით.

15. მხარეთა ხელმოწერები

შემსყიდველის მხრიდან:

შ.პ.ს. „მთის კურორტების განვითარების კომპანია“
მის: ქ. თბილისი, კოსტავას ქ. №70
ს.ს. „თიბისი ბანკი“
ბანკის კოდი: TBCBGE22
ა/ნ GE97TB7346636020100001
ს/კოდი 215 096 367

შ.პ.ს. „მთის კურორტების განვითარების კომპანიის“
დირექტორის მოვალეობის შემსრულებელი:

ირაკლი ჟღენტა

მიმწოდებლის მხრიდან:

შ.პ.ს. „ბილდ ინდუსტრი“
მის: ქ.თბილისი, ხახანაშვილის ქ. №11
ს.ს. „საქართველოს ბანკი“
ბანკის კოდი: BAGAGE22
ა/ნ GE42BG0000000343954100
ს/კოდი 206 270 248

შ.პ.ს. „ბილდ ინდუსტრის“ დირექტორი:

გიორგი გოგოტიშვილი



Handwritten blue signature/initials on the right margin.

Handwritten blue text and stamps on the right margin, including '62702 BUILD IN'.

2015 წლის 9 ნოემბრის №325 ხელშეკრულების დანართი №1

№	ტექნიკის დასახელება	მომსახურების გაწევის პერიოდი	სამუშაო დღეების რაოდენობა 8 საათიანი სამუშაო გრაფიკის გათვალისწინებით	ერთი დღის ღირებულება	სულ ღირებულება
1	ბულდოზერი - SHANTUI-SD16; სახ.რეგ № PP845	2015 წლის 9 ნოემბრიდან ამავე წლის 2 დეკემბრამდე	23 კალენდარული დღე	1600,00	36 800,00
	ექსკავატორი - CATERPILARI - 320 D2L; სახ.რეგ № SS015	2015 წლის 9 ნოემბრიდან ამავე წლის 2 დეკემბრამდე	23 კალენდარული დღე	900,00	20 700,00
სულ ფასი:					57 500,00

შემსყიდველის მხრიდან:

შ.პ.ს. „მთის კურორტების განვითარების კომპანიის“
დირექტორის მოვალეობის შემსრულებელი:



ირაკლი ჟღერტი

მიმწოდებლის მხრიდან:

შ.პ.ს. „ბილდ ინდუსტრის“
დირექტორი:



გიორგი გოგობაშვილი

